

VENDIM
Nr.242, datë 23.3.2011

PËR DISA NDRYSHIME NË VENDIMIN NR.1282, DATË 23.12.2009 TË KËSHILLIT TË
MINISTRAVE “PËR KUOTËN E PRANIMIT DHE TARIFËN E SHKOLLIMIT NË
PROGRAMET E CIKLIT TË TRETË TË STUDIMEVE SPECIALIZUESE
AFATGJATA, NË FAKULTETIN E MJEKËSISË TË UNIVERSITETIT TË TIRANËS,
PËR VITIN AKADEMIK 2009-2010”, TË NDRYSHUAR

Në mbështetje të nenit 100 të Kushtetutës dhe të neneve 26 pika 1.3.2, 34, 35 e 75 të ligjit nr.9741, datë 21.5.2007 “Për arsimin e lartë në Republikën e Shqipërisë”, të ndryshuar, me propozimin e Ministrit të Shëndetësisë dhe të Ministrit të Arsimit dhe Shkencës, Këshilli i Ministrave

VENDOSI:

Në vendimin nr.1282, datë 23.12.2009 të Këshillit të Ministrave, të ndryshuar, bëhen këto ndryshime:

1. Pika 1 ndryshohet, si më poshtë vijon:
“1. Kuota e pranimit në programet e ciklit të tretë të studimeve specializuese afatgjata, në Fakultetin e Mjekësisë të Universitetit të Tiranës, të jetë 446 e ndarë në specialitete, sipas shtojcës nr.1/2, që i bashkëlidhet këtij vendimi.”.
 2. Pika 2 shfuqizohet.
 3. Pika 4 ndryshohet, si më poshtë vijon:
“4. Tarifa vjetore e shkollimit për studimet specializuese afatgjata në Fakultetin e Mjekësisë, të Universitetit të Tiranës, të jetë 40 000 (dyzet mijë) lekë për kandidatët fitues, që përfitojnë nga kuotat e pambuluara, dhe 100 000 (njëqind mijë) lekë, për kandidatët fitues, që përfitojnë nga kuotat e planifikuara për Ministrinë e Shëndetësisë, Ministrinë e Mbrojtjes, Ministrinë e Drejtësisë, si dhe nga trojet shqiptare jashtë kufijve të Republikës së Shqipërisë.”.
 4. Kuotat e paplotësuara rishpërndahen me urdhër të Ministrit të Arsimit dhe Shkencës.
 5. Efektet financiare për zbatimin e këtij vendimi përballohen nga buxheti i Universitetit të Tiranës, pa efekte buxhetore shtesë.
 6. Ngarkohen Ministria e Arsimit dhe Shkencës, Ministria e Shëndetësisë dhe Universiteti i Tiranës për zbatimin e këtij vendimi.
- Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Sali Berisha